

جَزَائِدُ حَاكِمِيَّةِ

جمعه ايرتسى

نومرو	رجب	سنه	كانون ثانى	سنه	صفحه
۷۵۲	۶	۱۳۱۱	۱	۱۳۰۹	۱۱۱۴۹

(اشبوغزته بهر هفته جمعه ايرتسى كونلرى چيقار . سنه لىكى درسعات ايچون مجديه يكرمى غروش)
 (حسابيله التمش غروشدر . طشره لر ايچون اون بش غروش پوسته اجرتى ضم اولنور . بهر)
 (نسخه سى ينه مجديه يكرمى غروش اولاق اوزره يوز پاره يه هر يرده ساتيلور . درج اولنه جق)
 (اعلانك هر برندن بر مجديه اخذ اولنور . سنه لىكنه مشترى اولق استيانلر عدليه نظارتى)
 (دائره سنده كانن جريده محاكم اداره سنه مراجعت ايلمليدر)

قسمتى

تذكرة سنك ظهر يه لو اوله رق مدت معينه سى
 ظرفنده ترانسيت مديرينه ابرازى ايكنجى جلد
 دستورده مندرج نظامنامه نك ايكنجى ماده سى
 موجبنجه مجبورى اولديني حالده ابراز اولنميه رق
 يالكر اشيانك محله وصولى متضمن شهادتنامه
 جلب و ابراز ايله تأميناتك فسحى حقه نده اقامه
 اولنان دعاوى اوزرينه بوبابده كمركى رسمى
 ارانله ماسى بعض محكمجه تحت حكمه المنقده
 اولديني و بو ايسه جائز اوله ميه جنى كى برطاقم
 سوء استعمالته قيو آچه جنى جهتله نظامنامه
 مذكور احكامنك حرفياً اجرا سى خصوصه

(فى ۱۲ جمادى الاخر سنه ۳۱۱ و فى ۹ كانون)
 (اول سنه ۳۰۹ تاريخنده بالمله ولايات استيناف)
 (محكمه سى مدعى عموميلرينه و مدعى عمومى)
 (بولنمىان محللر مدعى عمومى معاونلرينه)
 (يازيلان تخريرات عموميه صورتيدر)

ترانسيت ايديلان اشيانك ممالك اجنبيه يه
 دخول ايتديكنى اثبات ايچون اولبابده كى ترانسيت

کاهی حقها دقت و اعتنا اولنمی شرفوارد اولان
۲۷ ربیع الاولی سنه ۳۱۱ و ۲۵ ایلول سنه ۳۰۹
تاریخی تذکره سامیه حضرت وکالتناهیده
امر و اشعار بیوراش و مأموریتکز داخلنده
بولنان محاکمه لاجل التبلیغ اشبو تحریراتک نسخ
مطبوعه کافیه سی لفا ارسال قلنمش اولمقله
اولوجهله اجرای ایجابی .


قسم غیر رسمی

(لفظه بدایت محکمه سنندن تجارت صفی)
(و ۱۶ مایس سنه ۳۰۸ تاریخی وایکی عددی)
(ایله ویریلان اعلامک مابعدی)

جیرو معامله سنک قانون تجارتک طقسان دردنجی
ماده سنه موافق صورتده اجرا اولندینی اکللا
شلدینندن مدعی علیهک مدافعه واقعه سنک ردیله

مذکور قرق ایرانک اوج بیک درتیوز الی
غروش فاضیله برابر مدعی علیه بایزید اغادن
تحصیلنه حکمدن و مستدعی تمیز بایزید اغا وکیلی
توفیق بکک اشبو حکم علیهک اعتراضاتک
باشلوجه سی مبلغ مدعا به میراث اچجسی اولوب
بومقوله دعاوینک رؤیتی ایسه محکمه شرعیه
عائد ایکن تجارت محکمه سنجه رؤیتی وظیفه
خارجنده اوله رق مغایر قانون اولدینندن بختله
اعلامک نقضی و مدعی علیه وکیلی ادیب افندیکنک
نتیجه جوابی دعاوی واقعه نک امره محرر سنده
مستند اولمقله ذیل قانون تجارتک بکرمی سکرنجی
ماده سی موجبجه تجارت محکمه سنجه رؤیتی
موافق قانون بولندینی بیانیه اعتراض مذکورک
ردی و اعلامک تصدیقی طلبندن و معاون مومی
الیهک مطالعه سی دخی دین واقعهک میراث اچج سنندن
عبارت اولدینی سننده مندرج ایسه ده بوندن
دعاوی واقعه نک میراث دعوا سی اولدیننه حکم
اولنه میه جفته و بومقوله سندات مر بوط دعایینک
محاکم نظامیه ده رؤیتی احکام قانونیه اقتضاسندن
بولندیننه مبنی وظیفه حقتده کی اعتراضک موافق
قانون کوریه مدیکی بیانندن عبارت بولنشدر .

ایجابی مذاکره اولندقدده اعلام مذکور



سنه ۳۰۹ تاریخنده متفقاً قرار ویریلهرک
تفهیم قلندی .

مآلندن اکللاشلدینی اوزره بدایه مدعی بولنان
محمد فهیمی افندیکنک ابراز واستناد ایلدیکی سننده
فاضل مقاوله سی مندرج اولمسیله سنند مذکور
سندات تجاریه دن معدود اوله میه جتی کبی جیرو
معامله سنک دخی سننده مندرج وعده ظرفنده
اجرا قلنمیوب تاریخ سنندن اون سنه صکره
وقوعبولمش اولسنه و طرفینک صفت تجاریه بی
دخی حائز اولمقلرینه نظراً دعاوی واقعه نک
حقوق عادیه محکمه سننده رؤیت اولنمی لازم
کاور ایکن درجه اولی محکمه سنجه اعضای موقته
حضور و تجارت صفتیه رؤیت و حکم اولنمی
وظیفه خارجنده اوله رق قانونه مغایر اولدینی کبی
معاون مومی الیهک مطالعه سی دخی موافق نفس
الامر کوریه مدیکنه مبنی اصول محاکمه حقوقیه
قانوننک ایکویز اوتوز ایکنجی ماده سی موجبجه
اعلام مذکورک نقضیه قانون مذکورک ایکویز
قرق دردنجی ماده سی حکمنه توفیقاً کیفیتک برمنوال
محرر یکیدن بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم درت
بوز درت بحق غروش مصارف تمیزیه نک ایلروده
حقتز چیه جق طرفه رجوع ایتمک اوزره اول
امرده مستدعی بایزید اغادن النمنه ۲۶ نیسان

قونیه استیناف محکمه سنندن ۱۲ تشرین ثانی
سنه ۲۰۸ تاریخی واون التی عددی ایله ویریلان
اعلامک تمیزینی استدعا ایدن حلب مولوبخانه سی
پوست نشینی حامل چلبی افندی وکیلی دکرمنجی
اوغلی نیقولاکی افندی ایله مدعی علیه مالیه
نظارت جلیله سی وکیلی منصور بکک یوم معینده
دآثره به ورود ایتمش اولملریله ایضاحات شفاهیه لرلیله
باش مدعی عمومی معاونلرندن سعادتلو بورخاکی
افندیکنک مطالعه سی استماع قلندقدن صکره تدقیقات
تمیزیه اجرا سنه ابتدار اولندی .

اعلام مذکورک خلاصه مالی مومی الیه
عامل چلبی افندیکنک او جیوز بدی سنه سنه محسوباً
درعهده و التزام ایلدیکی سعید ایللی ناحیه سی ایله
خاتونسرای ناحیه سنه مربوط چقورچن و ماوی
وقرای سائر اعشارندن وقت معینده محلی
انبارینه تسلیم ایدمه مدیکی تبیین ایدن بدی بیک

ایکیوز قرق ایکی کیل حظه نك اولتاریخده کی رایجنه توفیقاً بهر کیله سنك قرق الی و ایکی بیک سکسان طقوز کیل شعیرك دخی کذلک بهر کیله سنك یکر می سکر غروشدن اولق اوزره بالحساب بدلاً تحصیل حکمی متضمن قونیه بدایت محکمه سنندن صادر اولان اعلامک عندالاستیناف فسخیله اجرا قلنان محاکمه و تدقیقات نتیجه سننده ملتزم مومی الیهک ذخائر مذکوریه و قتیله عدم تأدیبه سی اوزرینه جائب حکومت سنینه دن پروتستو کشیده سیله اولبایده کی مجلس اداره قراری موجبنجه حظه نك بهر کیله سی ایچون یتیم ایکی و شعیرك بهر کیله سی ایچون اوتوز الی غروشدن اولق اوزره تعیین قلنان بدلك طلب اولنه جنی مومی الیه عامل چلی افندی به اخطار قلندی حاله افندی مومی الیه جانبندن تأدیبه قلنامش اولسی ملاسه سیله ذخائر مدعا بهادن مومی الیهک خزینة جلبله به بقیه دینی اولدینی ا کلاشیلان بیک اوتوز اوچ کیل اون الی هوایی ذخائرک بر موجب پروتستو بدلی اولان الی اوچ بیک درتیوز یکر می درت غروشک مع فائض اجرای موقته تحصیلنه حکمدن و مستدعی تمیز و کیلی نیقولایکی افندیکن اشبو قرار علیهنده باشلوجه اعتراضاتی وقت معینده تأدیبه اولنیمان تقاسیطک زمان تقسیطده کی رایجنه توفیقاً استیفاسی اعشار نظامنامه سی احکامندن بولندینی حاله محکمه استینافیه جه بوراسنه دقت اولنماسی مخالف قانون اولدیقندن بخله اعلامک نقضی استدعاسندن و مدعی علیه خزینة جلبله و کیلی منصور بکک نتیجه اجوبه سی بوکی موادده ایضای تمهد اولندینی صورتده پروتستو موجبنجه فیثات حکم اولنه جنی جهته اعتراض مذکورک ردیله موافق قانون اولان اعلامک تصدیق طلبندن و معاون مومی الیهک مطالعه سی دخی عندالاستیناف اجرا قلنان محاکمات و تدقیقات نتیجه سننده مبلغ محکوم بهک مستدعی تمیز ذمتده قالدینی تبین ایتش اولسنه مبنی اعتراضات واقعه نك موافق قانون کوریه مدیکی بیانندن عبارت بولتمشدر .

ایجابی لدی المذاکره اعلام مذکور مندر -
جائندن ا کلاشیلدینی وجهله مومی الیه عامل چلی افندیکن تحت التزامنده بولنان اعشار بدلدن وقت معینده تأدیبه سی تمهد ایلدیکی ذخائر بدلتک بر موجب پروتستو تحصیلنه حکم و برلش ایسه ده بومقوله التزام بدلی دعوالرنده معاملات تجاریه ده اولدینی کی پروتستوده کوستریلان مقدار اوزرینه حکم جائز اوله میوب اعشار نظامنامه سنه توفیقاً

ذخائر مذکوریه تقدیر قیمت اولنسی لازمهدن اولدینی حاله محکمه استینافیه جه بوراسنه دقت اولغیرق کشیده قلنان پروتستو ورقه سننده محرر فیثات موجبنجه ذخائر مذکوریه بدلتک تحصیلنه قرار و برلسی بولسز و اصول و قانونه مغایر و مستدعی تمیز و کیلنک اعتراضی دخی بو جهته متدائر اولسیله شایان قبول اولوب معاون مومی الیهک مطالعه سی موافق نفس الامر کوریه مدیکی ببناء اصول محاکمه حقوقیه قانون موقتک ایکیوز اوتوز ایکنجی ماده سی موجبنجه اعلام مذکورک تقضیه قانون مز بورک ایکیوز قرق دردیجی ماده سی حکمنه توفیقاً کیفیتک صور مشروحه دائره سننده یکیدن بالرؤیه اعلامه ربطی ضمننده محکمه مذکوریه اعاده سننه و اعلام خرجی اولان یوز غروشک اولجه ربع خرج اوله رق استیفا قلنان اوچپوز قرق اوچ غروشدن اجرای محسوبیله زپرده مفرداتی محرر ایکیوز یکر می درت یجیق غروش مصارف سائر نك ایلروده حقسنر چقه جق طرفه رجوع ایتک اوزره اول امرده مستدعی تمیز عامل چلی افندیکن النسنه ۲۳ تشرین اول سنه ۳۰۹ تاریخده متفقاً قرار و یریله رک تفهیم قلندی .

آیدین استیناف محکمه سنندن ه تموز سنه ۳۰۲ تاریخی و اوتوز عددی ایله و یریلان اعلامک تمیزی استیفا ایدن مغنیسانک جیراس کییر محله سننده مقیمه یره جی قزی ارخوندی قادین و کیلی مانیا سزاده رفیق بک ایله تمیز علیها مغنیسایه تابع بابا قریه سننده ساکنه مراد زاده محمد افندی کریمه سی عدویه خانم و کیلی اوخانس موسدیحیان افندیکنک یوم معینده دائره به ورود ایتلر یله ایضاحات شفاهیله لری استماع اولندقدنصرکه تدقیقات تمیزی به اجرا سننه ابتدار قلندی .

اعلام مذکورک خلاصه مآلی مزبوره عدویه خانمک پدر و مورثی متوفی محمد افندیکنک حال حیاتنده سبقت ایدن خدمتنه و متصرفه اولدینی ترلارینک حاصلاتندن نزدنده تراکم ایدن مبالغه مقابل کندوسنک دیگر خانسی حویلسندن قسماً افزاز ایلدیکی عرصه اوزرینه مجدداً بنا وانشا ایتدیروب کندوسنه تملیک و تسلیم ایتش بولندینی مغنیسانک جیراس کییر محله سننده کائن معلوم الحدود بر باب منزله مزبوره عدویه خانمک وقوعبولان مداخله سنک منعی مرقومه ارخوندی قادین طلب و ادعا ایتش ایسه ده مومی الیه محمد افندیکنک وفاتندن صکره ترکه سنک تقسیمی انشاده خانه مذکورده

بولنش اولدینی بیانیه اعلام مستأنف بهک تصدیقه حکمدن واشبو اعلام علیهنده مستدعیه تمیز وکیلنک باشلوجه اعتراضاتی اثبات مدعی ضمننده استماع اولنوب امر تزکیه لری اجرا اولنمیان حاجی خلیل اغا ایله شرعاً وارث بولنان کوله یاورک و مزبور عدویه خانمک عمت سنک زوجی اولوب مذکور خانده علاقه سی بولنان حاجی محمد اغانک شهادت لری قانوناً جائز دکل ایکن شهود مرقومه نک شهادت لری بنای حکم ایدلسی مغایر قانون اولدیغندن بخله اعلامک قضی استداسندن ومدعی علیها وکیلنک نتیجه جوابی دخی تمیز استدعا نامه سنک مدت قانونیه نک مرورندن صکره اعطا قلمسنه مبنی اولباده تدقیقات اجراسنه محل اولدینی بیانیه استدعای مذکورک ردی طلبندن عبارت بولمشدر.

ایجابی مذاکره اولدوقده اعلام مذکور مندرجاتندن مستفاد اولدینی اوزره درجه اولی محکمه سنجه اقامه واستماع اولنان شهود حقلرندہ مستأنفه ارخوندی قادین جانبندن برمنوال مشروح وقوعبولان طمن و تعرض اوزرینه شهود مرقومه نک مانع شهادت حاللری اولدینی بیانیه اعلام مستأنف بهک تصدیقه قرار ویرلش ایسهده اعتراض مذکورک شهود مرقومه نک

داخل ترکه ایدلدیکی حالده مدعیه مرقومه ارخوندی قادین بلامانع سکوت ایندکدن بشقه مذکور خانه کندوسنک اولدینی اقرار ایتدیکی اولباده اقامه واستماع قلنان شهودک شهادت لری له مثبت وخانه مذکور متوفای مومی الیه ورته سنک ملک موروثی اولدینی مدعیه نک اقرار یله مؤید بولمسنه مبنی محله نک بیک التیوز یکر می سکرنجی ماده سنک اوچنجی فقره سی موجبجه مرقومه ارخوندی قادینک رد اداسنه دائر بادیه ویریلان قرار اوزرینه مرقومه ارخوندی قادین جانبندن اقامه ایدیلان استیناف دعواسنک اجرا قلنان محاکمه و تدقیقاتی نتیجه سنده مرقومه نک مذکور خانه کندوسنک اولدیفنه دائر سبق ایدن اقرارینه درجه اولی محکمه سنجه ادای شهادت ایتش اولان شاهد لردن حاجی خلیل اغانک امر تزکیه سنک اجرا قلماسی اقامه واستماع اولنان دیگر ایکی نفر شاهدک حد کفایه ده کورلمسندن ایلو کلدیکی کبی شاهدان مرقوما نندن کوله یاور ایله مدعی علیهانک عمت سنک زوجی اولان حاجی محمد اغانک دخی مانع شهادت حاللری کورلدیکی وقرار مستأنف بهک مرقومه ارخوندی قادینک ثبوت اقرارینه مستند اولیوب اقرار مذکور مدعی علیها جانبندن تصدی اولنان دفعی مؤید

قبول شهادت لری نه مانع اولوب اولدیغنک مکملاً تدقیق واسباب موجب قانونیه سنک ارا نه سیله متن اعلامه دخی درج و تمیق قلمنق لازم کلور ایکن آیدین استیناف محکمه سنجه بوراسنه دقت اولنمیه رق اولباده برکونه اسباب موجب ارا نه اولنمقسزین علی العمیا شهود مرقومه نک مانع شهادت حاللری اولدینی بیانیه اعتراض مذکورک رد ایدلسی یولسز وقانونه مغایر ومستدعیه تمیز وکیلنک اعتراضی دخی بوجهته متدائر اوله رق موافق نفس الامر بولندیغنه بناءً اصول محاکمه حقوقیه قانون موقتنک ایکیوز اتوز ایکنجی ماده سی موجبجه اعلام مذکورک تقضیله قانون مزبورک ایکیوز قرق دردیجی ماده سی حکمنه توفیقاً کیفیتک صورت مشروحه دائره سنده یکیدن بالرؤیه اعلامه ربطی ضمننده محکمه مذکوره به اعاده سنه وزیرده مفرداتی مرقم در تیوز یکر می طقوز بچق غروش مصارف محاکمه نک ایلروده حقسنز چیه جق طرفه رجوع ایتک اوزره اول امرده مستدعیه تمیز ارخوندی قادینندن التمسنه ۲۰ تموز سنه ۳۰۸ تاریخنده متفقاً قرار ویریلرک تفهیم قلندی .



سندقلی بدایت محکمه سنندن ۲۹ تشرین ثانی سنه ۳۰۲ تاریخی ویکرمی ایکی عددی ایله صادر اولان اعلامک تمیزی استدعا ایدن سندقلی قصبه سنک چای محله سی اها لیسندن حاجی مصطفی ایله تمیز علیه محله مذکوره ده مقیم نبی چاوش یوم معینده دائره یه کلدکار نندن باش مدعی عمومیلک مأموریت علیه سنک مطالعه نامه سی التذقدن صکره اصول محاکمه حقوقیه قانوننک ایکیوز یکر می طقوزنجی ماده سی موجبجه تدقیقات تمیزی به اجراسنه ابتدار قلندی .

اعلام مذکورک خلاصه مآلی مرقوم نبی چاوشک قره جه کوی موقعی نام محله کاشن برادر لر یله مشترکاً باطابو متصرف اولدقلری معلوم الحدود اراضیدن درت دونم مقداری برقطعه ترلاسی مرقوم مصطفی طرفندن وقوعبولان مداخله نک منعی حقنده اقامه ایدلدیکی دعوا یه قارشو مرقوم مصطفی دخی محل مذکور کندوسنک عهدۀ تصرفنده اولدیفنی واولجه خصوص مدعانک شرع شریف معرفتیه بالرؤیه اعلامه ربط اولدینی جهنله بتکرار محکمه نظامیه ده استماع ورؤیتی جائز اوله میه جفنی مدافعه در میان ایله برقطعه سند ابراز ایتش ایسهده سند مذکور اراضی

منازع فیہایہ توافق ایندیکی جهتله شایان احتجاج
 اوله میه جغه و اراضی مذکورہ مقدما جبه
 اوغلارینک تحت تصرفندہ ایکن مدعی مرقوم
 نبی چاوش و برادرلری طرفندن تفرغاً تصرف
 اولنه کلدیکی طابوقیدیلہ ثابت اولسنہ منی اراضی
 مذکورہ دن مرقوم مصطفانک منع مداخله سنہ
 قرار و یرلدیکندن و مستدعی تمیزک اشبو قرار
 علیهنده لایحه سنده محرر باشلوجه اعتراضی
 دعواى واقعه نك مقدمه شرعاً بالرؤیه اعلامه ر بط
 ایدلمش اولدیغنه دائر درمیان ایدلیکی مدافعه نك
 تدقیق ایدلمه سی مغایر قانون اولدیغندن بحثله اعلامك
 نقضی استدعاسندن و مدعی علیہك لایحه سنده مندرج
 نتیجه جوابی اعتراض مذکورک غیروارد اولدینی
 بیانیله ردی و موافق قانون اولان اعلامك
 تصدیقی طلبندن و مذکور مطالعه نامه مندرجاتی
 دخی دعواى واقعه نك مقدمه شرعاً رؤیتله
 اعلامه ر بط اولدینی درجه اولی محکمه سنده
 درمیان اولنمش و شوخالده اعتراض مذکورک
 تدقیقوله اثباتی تقدیرنده فصل دعوا دن صرف نظر
 اولنقی لازم کلور ایکن اولسایده اعلام شرعی
 اولوب اولدینی و سبجلنده قیدی بولنوب
 بولندینی تحقیق قلنامش اولدیغنه منی بوجهت
 حقنده کی اعتراضك موافق قانون اولدینی بیاندن

عبارت بولنمشدر .
 ایجابی مذاکره اولندقدہ مندرجات اعلامدن
 مستفاد اولدینی اوزره بدایه مدعی علیہ بولسان
 مرقوم مصطفی اثنای محاکمه ده دعواى واقعه نك
 مقدما شرعاً بالرؤیه اعلامه ر بط ایدلمش اولدینی
 جهتله بشکرار محکمه نظامیه ده استماع رؤیتی
 جائز اوله میه جغنی مدافعه درمیان ایتمسه و فی الحقیقه
 بر دعوی اصول مشروع دائره سنده رؤیت
 و اعلامه ر بط اولدینی صورتده اول دعوانك
 بشکرار استماعی جائز اوله میه جغنی بجه نك بیک سکر
 یوزاوتوز یدنجی ماده سی اقتضاسندن بولنمشه کوره
 دعواى مذکورہ نك اولصورتله فصل ورؤیت
 ایدیلہ رك اعلامه ر بط ایدیلوب ایدلمدیکنك
 و سبجلده قیدی بولنوب بولندیغنك تدقیقوله نظاهر
 ایدہ جك حاله کوره دعواى حاضرہ حقنده معامله
 اولنقی لازم کلور ایکن محکمه مذکورہ جه
 بورالرینك تدقیق اولنمشزین برمنوال محرر
 حکم و قرار و یرلمسی قانونه مغایر و مستدعی تمیزک
 اعتراضیله مارالبیان مطالعه نامه مندرجاتی موافق
 نفس الامر کورنمش اولدیغنه بناء اصول محاکمه
 حقوقیه قانوننك ایکوز اوتوز ایکنجی ماده سنہ
 توفیقاً اعلام مذکورک تفضیله قانون مزبورک
 ایکوز قرق دردنجی ماده سی حکمنه توفیقاً کپیتك

صور مشروحه دائره سنده یکیدن بالرؤیه اعلامه
 ربطلی ضمننده محکمه مذکورہ به اعاده سنه وزیرده
 مفرداتی مرقم درتیوز اون طقوز بچق غروش
 مصارف تمیزیه نك ایلروده حقسنز چیقہ جق طرفه
 رجوع ایتمك اوزره اول امرده مستدعی تمیزدن
 الخمسنه ۱۰ تشرین ثانی سنه ۳۰۴ تاریخنده
 متفقاً قرار و یرلدی .



بتلیس استیناف محکمه سنندن ۲۵ نیسان
 سنه ۳۰۷ تاریخی و ایکی عددی ایله و یریلان
 اعلامك تمیزینی استدعا یدن موش سنجاغنه تابع
 اوران قریه سی اهالیسندن کراغوص و کرقور ایله
 مدعی علیهم قریه مذکورہ اهالیسنندن تللو
 ورته سی علی و سلیمان و عیسی اغالر یوم معینده
 دائره به کلدکری کی مدعی علیهم طرفندن جواب
 لایحه سی دخی کوندرلمدیکندن باش مدعی عمومیلک
 مأموریت علیهنك مطالعه نامه سی التقدیرنصرکه

اصول محاکمه حقوقیه قانون موقتك ایکوز
 یکریمی طقوزنجی ماده سی موجبجه تدقیقات تمیزیه
 اجراسنه ابتدار قلندی .

اعلام مذکورک خلاصه مآلی من القدیم
 قریه لری حیواناتنك رعینه مخصوص اولان چوله
 صرک نام صرعی ایله بفسجه قریه سی جبالندن نبغان
 ایدوب ترالرینك سقینه مخصوص مشترک صویه
 مدعی علیهمک مورقی مرقوم تللو جانبندن وقوع
 بولان مداخله نك منی حقنده مرقومان کراغوص
 و کرقور و رفقاسی طرفلرندن اقامه اولنان دعوی
 اوزرینه مدعی بهدن یالکر مذکور صویک
 مشترک بولندینی استماع قلنان شهودك شهادتیه
 ثابت اولسنه بناء مدعیلرک ذکر اولنان صرعی
 حقنده کی ادعایرینك ردینه موش بدایت
 محکمه سنندن صادر اولان اعلامك عندالاستیناف
 صو حقنده کی جهت حکمیهنك فسخیله مذکور
 صویه مرقوم تللونك واضع الید اولدینی اثبات
 ضمننده مدعیلرک اقامه ایلدکری شهودك شایان
 قبول اوله مدینی کی دیگر شاهد اقامه سنندن دخی
 اظهارعجز اولسنه و شو حالده مذکور صویه
 مرقومک ذی الیدلیکی ثابت اوله مامسنه بناء
 مدعیلرک مرقوم تللو به خصوصتاری توجه

ایتمه جکنه قرار ویرلدیکندن و مستدعی تمیز
کراغوص و کورقورک اشبور قرار علیه لایحه لرنده
محرر باشلوجه اعتراضلری وضع یدک اثباتی
ضمننده اقامه ایلدکلری شهودک بلا اسباب موجب
قبول ایدلماسی مفایر قانون اولدیغندن بخله اعلام
مذکورک تقضی استدعا سندن و سالف الذکر
مطالعه نامه مندرجاتی دخی دعواى واقعه ایکی
قریه به متعلق اولدینی حالده قریتین اهالیسنک
قوم محصور اولوب اولمدقلرینک تحقیقوله قانون
دائرة سنده تشکیل طرفین ایدلماش ومدعی عمومی
محاکماتک بعضیلرنده استماع قلنامش اولسنه مبنی
اعتراضات واقعه نك موافق قانون اولدینی بیانندن
عبارت بولمشدر .

ایجابی مذاکره اولدوقده اعلام مذکور
مطالعه سندن منفهم اولدینی اوزره مدعی علیه
بولنان مرقوم تللونک منازع فیه صویه وضع یدی
ثابت اوله مامسندن طولای مدعیلرک مرقومه خصم
اوله میه جقلرینه قرار ویرلش اولوب حالبوکه
مذکور صو منبعندن غیر محرز اوله رق میاه
مباحه دن بولنق جهتیله توجه خصومت ضمننده
ثبوت یدک لزومی بجه ده کوستریلان عقار نوعندن
اولدیغنه مبنی دعواى واقعه ده مدعی علیه ک وضع

یدینک اثبات ایتدیرلمسنه حاجت اولیوب
طرفینک اولبابده کی ادعا ومدافعاتک بعد الاستماع
قانون دائره سنده تدقیقات لازمه اجراسیله تین
ایده جیک حاله کوره کیفیتک تحت حکم وقراره
النسی مقتضی ایکن بویولده اجرای معامله
اولنیه رق ذی الیدک حقتده بینه استماع قلنسی
و بدایت اعلامنک صورت واضحه ده اعلام
تمیز به درج و تمیق اولنامسی و بوکی عمومه عائد
دعاوینک محاکمه سنده مدعی عمومی حاضر
بولندیریله رق مطالعه سنک استماعی لازم اولدینی
حالده دعواى مذکور حقتده اجرا قلنان
محاکماتک اکثر یسنده مأمور موسی الیهک
مطالعه سنک استماع قلنامسی اصول وقانونه مفایر
و مارالیان مطالعه نامه نك فقره اخیره سی دخی
موافق نفس الامر کورلدیکنه بناء اصول محاکمه
حقوقیه قانوننک ایکوز فرق برنجی ماده سی
موجبجه اعلام مذکورک تقضیله قانون مزبورک
ایکیوز فرق درنجی ماده سی حکمنه توفیقاً کیفیتک
صورت مشروحه دائره سنده یکیدن بالرؤیه
اعلامه ربطی ضمننده محکمه مذکور به اعاده سنه
وزیرده مفرداتی مرقم بشیوز اون برغروش
مصارف تمیز به نك ایلروده حقسز چبقه جق طرفه
رجوع ایتمک اوزره اول امرده مستدعی تمیز

اوران قریه سی اهالیسندن النسنه ۱۸ تشرین اول
سنه ۳۰۹ تاریخده متفقاً قرار ویرلدی .

ازمید بدایت محکمه سندن ۲۹ شباط
سنه ۳۰۷ تاریخی و اون التی عددی ایله ویریلان
اعلامک تمیزی خزینه جلیله وکیلی منصور بک
طرفندن استدعا قلندینی حالده تعیین قلنان کونده
وکیل موسی الیه ایله میز علیه ازمیدده اسکله
جوارنده سکر نومرولی خانه ده مقیم ملتزمیندن
تحسین افندی دائره به کلدکلرندن باش مدعی
عمومیلک مأموریت علیه سنک مطالعه نامه سی التهرق
اصول محاکمه حقوقیه قانوننک ایکوز یکریمی
طقوزنجی ماده سی موجبجه تدقیقات تمیزی به
اجراسنه ابتدار قلندی .

اعلام مذکورک خلاصه مآلی موسی الیه
تحسین افندی ک اوچیوز یدی سنه سنه محسوباً
التی بیک یدیوز غروش بدل ایله اعشاری تحت
التزامنده بولنان قومله چفتلکی حیوانات

متوعه سندن درتیوز کیل حنطه و اوتوز بش کیل
کتان تخمنک خرمن ایدلکسزین محترق اولدینی
اجرا قلنان کشف ایله ثابت واشبو حریقک
آقاندن معدود اولدینی اعشار نظامنامه سنده
مندرج اولدینی بیلیله مذکور المقدار حنطه
وکتان تخمی عشرینک رایج وقته کوره بالحساب
اثمان بالغه سنک ملتزم موسی الیهک خزینه به اولان
دینندن محسوبنه حکمدن و مستدعی تمیز
خزینه مشارالیهها وکیلک اشبو حکم علیه لرنده
لایحه سنده محرر اعتراضاتک باشلوجه سی اعشار
نظامنامه سنک قرق التتجی و قرق یدنجی ماده لری
حکمنجه محاربه و عصیان کی اسباب مجبره دن
بشقه برسبیله ملتزم لرتک تزیل بدل ادعا سنه
صلاحیتلری اوله میه جنی درکار ایکن محکمه جه
حریقک اسباب مجبره دن عد اولنسی مفایر قانون
اولدیغندن بخله اعلامک تقضی و میز علیه تحسین
افندی ک لایحه سنده مندرج نتیجه جوابی خزینه
جلیله جانبندن مدت قانونیه نك مرورندن صکره
تمیز دعوا سنه تشبث اولنمقله اولبابده کی تمیز
استدعا سنک ردی لازم کله جکی کی اساس ماده به
کلنجه اعشار نظامنامه سنک سالف الذکر ماده لرنده
محرر « کی » قیدینه نظراً اسباب تزیلیه نك بالکنز
محاربه و عصیانه منحصر اولیوب آقاندن معدود

اولدینی بدیهی اولان حریقہ دخی شامل اولدینی
واعراضات واقعه نك واهی اولوب حکم ابتدائینک
اصول و قانونه موافق بولندینی بیانیه تصدیق
استداسندن و مارالذکر مطالعه نامه مالی دخی
بداية اجرا فلنان کشف اصول محاکمه حقوقه
قانوننک التمش اوچنجی ماده سنه توفیق و تزیلی
لازم کلان مقدار بدلك بالتقدير تعیین ایلامش
اولدینی بیانندن عبارتدر .

ایجابی مذاکره اولدقدہ اعلام مذکور
مندرجاتندن منفهم اولدینی اوزره ملتزم مومی
الیهک تحت التزامندہ بولنان مذکور چفتک
محصولات ارضیه سندن محترق اولان معلوم المقدار
حبوبات متنوعه عشری اثمان بالغه سنک اعشار
نظامنامه سنه استناداً بدل التزامدن تزیلنه قرار
ویرلمش ایسه ده مذکور نظامنامه نك قرق التشی
ماده سنده تزیل بدلی مستلزم افات ذکر و بیان
اولنہرق بومیانده حریقک کوسترلامش اولسنه
نظراً بونک تزیل بدلی موجب اسباب مجبره دن
اولدینی درکار ایکن محکمه جه ماده مذکورہ
مفاد صریحہ یا کلمش معنی ویریلہرک حریقک
دخی تزیل بدل التزامی موجب اسبابدن اولدیغنه

ذہاب ایله بروجه محرر قرار ویرلمی اصول
و قانونه مغایر و خزینہ مشارالہاوکیلنک اعتراضی
موافق نفس الامر اولوب سالف الذکر مطالعه نامه
مندرجاتی وارد اولدینی منللو میز علیہ تحسین
افدیننک مدت تمیزیه نك مزوری حقندہ کی
اعتراضی استدعا دائرہ سنک قراری علیہندہ اولغله
دائرہ جه تدقیقہ محل کوریلہ مدیکنه مبنی اصول
محاکمه حقوقه قانوننک ایکوز اوتوز ایکنجی
ماده سی موجبجه اعلام مذکورک قضیلہ قانون
مذکورک ایکوز قرق دردنجی ماده سی حکمنہ
توفیقاً کیفیتک بیکدن بالرؤیہ اعلامه ربطی
ضمنندہ محکمه مذکورہ به اعاده سنه و زبرده
مفرداتی مرقم اوچوز قرق طقوز بچق غروش
مصارف تمیزیه نك ایلرودہ حقسزچیقہ جق طرفہ
رجوع ایتمک اوزره اول امرده مستدعی تمیزخزینہ
مشار الیہادن النسنه ۲۶ تشرین اول سنه ۳۰۸
تاریخندہ اکثریتله قرار ویرلدی .

اعلان

اغانوی قادی قتل قصدیلہ جرح ایتدیکی
ادعاسیلہ مظنون علیہ اولوب وادی فرارده
بولنان اوزون بویلی سیاه صاچلی اچیق النلی
سیاه قاش الا کوزلی چکمه برونلی قرال بیقلی
مطروش یکریمی سکر یاشنده مهران ولد قوزمه نك
فعل مذکورہ جرأت ایلدیکی اکلاشلمش
و حرکتی قانون جزانک یوز سکسانجی ماده سی
حکمنی مستلزم افعال جنائیه دن بولنمش اولدیغندن
اصول محاکمات جزائیه قانوننک باب رابعنک
فصل نایسنده محرر مواد احکامنه توفیقاً غیاباً
درسعادت جنایت محکمه علیہ سنده محاکمه سی اجرا
اولنق اوزره جنایتله اتہامنه قرار ویرلدیکندن
متهم مرقوم هرزده کوریلور ایسه طوتیلوب
محکمه مذکورہ توقیفخانہ سنه تسلیمی لازم
کله جکی بالجله ضابطه عدلیه مأمورلرینک معلومی
اولنق اوزره اشبو اخذ و گرفت مذکورہ سی
درسعادت هیئت اتہامیه سندن بالتنظیم اعطا
قلندی .

فی ۵ جمادی الاخر سنه ۳۱۱

وفی ۲ کانون اول سنه ۳۰۹

قہوه جی عارفک مخدومی مصطفایی ضرب
ایتدیکی و ضرب واقعدن مضروبک متأثراً وفات
ایلدیکی ادعاسیلہ مظنون علیہ اولوب غیر موقوف
بولنان شیلہ قصبه سنک حاجی قائم محله سنده مقیم
اورته بویلی قرال بیقلی الا کوزلی قرال قاش
وصاچلی سیوری النلی طوب چکلی اورته بزون
واغزلی اوتوز بش یاشنده رنجبروکیجی مقوله سندن
چتاق احمد اوغلی علی بن حسینک حرکتی قانون
جزانک یوزیمش بدنجی ماده سی ذیلی حکمنی مستلزم
افعال جنائیه دن بولدیغنه بناءً اصول محاکمات
جزائیه قانوننک باب رابعنک فصل نایسنده محرر
مواد احکامنه توفیقاً درسعادت جنایت محکمه
علیہ سنده محاکمه سی اجرا اولنق اوزره جنایتله
اتہامنه قرار ویرلدیکندن مرقومک هرزده
کوریلور ایسه طوتیلوب محکمه مذکورہ
توقیفخانہ سنه تسلیمی لازم کله جکی بالجله ضابطه
عدلیه مأمورلرینک معلومی اولنق اوزره اشبو
اخذ و گرفت مذکورہ سی درسعادت هیئت
اتہامیه سندن بالتنظیم اعطا قلندی .

فی ۱۳ کانون اول سنه ۳۰۹

ایواجق قضا سنک پاپاسلق قریه سی رسومات
 مأمور سابق محرم افندی به قتل قصدیه تشهیر
 سلاح ایلدیکی اداسیله مظنون علیه اولوب عقیب
 وقعه دنبرو وادی فرارده بولنان قالدیجه اورته
 بویلی چاقرجه کوزلی تربیقلی قرال قاش وصاچلی
 بیاض چهره لی اون طقوز یاشنده قلمه سلطانیه به
 تابع ایواجق قضا سنک پاپاسلق قریه سنندن بربر
 استراطی ولد فوطینک حرکتی قانون جزانک یوز
 سکسانجی ماده سی ذیلی حکمنی مستلزم جنایت
 افعالندن بولندیقنه بناء اصول محاکات جزائیة
 قانوننک باب رابنک فصل نایسنده محرر مواد
 احکامنه توفیقاً قلمه سلطانیه بدایت جزا محکمه سننده
 محاکمه سی اجرا اولمق اوزره مرقومک هر زرده
 کوریلور ایسه طوتیلوب محکمه مذکوره
 توقیفخانه سنه تسلیمی لازم کله جکی بالجمله ضابطه
 عدلیه مأمورلرینک معلومی اولمق اوزره اشبو
 اخذ وکرفت مذکوره سی درسمعات هیئت
 اتهامیه سنندن بالتنظیم اعطا قلندی .

فی ۱۴ کانون اول سنه ۳۰۹

لاز البسه سی کهرک تبدیل قیافله اوچوز
 یدی سنه سی ایلولنک طقوزنجی بازار ابرتسی کونی
 ساعت اون بر بچق راده لرنده عر بکیر قضا سنک
 تبه قریه سی جوارنده شوغ یقوشی نام محله
 مسلحاً اکین قضالی صالح چاوش ورفقاری
 اوکرینه چیقهرق کندولرینی ضرب و جرح
 واقیجه واشیالرینی اخذوغصب ایندکری اداسیله
 مظنون علیهم اولنلردن اولوب وادی فرارده
 بولنان اوزون بویلی اتنه طولغونجه یلا بیقلی
 عر بکیرک در بدر محله سنندن طاشجی مغردیجک
 فعل مذکوره جرأت ایلدیکی اکلشلمش
 وحرکتی قانون جزانک التمش ایکنجی ماده سنک
 علاوه سی حکمنی مستلزم افعال جنایتی دن بولمش
 ایدوکنندن اصول محاکات جزائیة قانوننک باب
 رابنک فصل نایسنده محرر اولان مواد احکامنه
 توفیقاً درسمعات جنایت محکمه علیه سننده غیباً
 محاکمه سی اجرا اولمق اوزره جنایتله اتهامنه
 واخذ وکرفته قرار ویرلدیکنندن متهم مرقوم
 هر زرده کوریلور ایسه طوتیلوب محکمه
 مذکوره توقیفخانه سنه تسلیمی لازم کله جکی
 بالجمله ضابطه عدلیه مأمورلرینک معلومی اولمق
 اوزره اشبو اخذ وکرفت مذکوره سی درسمعات

هیئت اتهامیه سنندن بالتنظیم اعطا قلندی .

فی ۱۹ جمادی الاولی سنه ۳۱۱

وفی ۱۶ کانون اول سنه ۳۰۹

اتهامیه سنندن اعطا قلندی .

فی ۲۰ کانون اول سنه ۳۰۹

اقامتگاهلری اولان خانه نک طراجه سنندن
 طاش آتوق نسیمک کوزینی جرح ایله قوه
 باصره سی تقیص ایلمسنندن طولانی متهم اولوب
 فرارده بولنان اورته بویلی قره قاش وصاچلی دوز
 النلی الا کوزلی ایری برونی بیاض بکزی ایری
 اغزلی مطروش چکلی غلطده حاجی علی زقاغنده
 قانطو خاننده الت قاتده ایکی نومرولی اوطده
 ساکن یونانی اون اوچ یاشنده مارقو ولد ترزی
 لئون الآن الده ایدیله ماش اولدیغندن اصول
 محاکات جزائیة قانوننک اوچوز یتمش برنجی
 ماده سنه توفیقاً و تاریخ اعلانندن اعتباراً فراری
 مرقومک محکمه به کلسی ضمننده مقام ریاستندن
 اون کون مهل ویرلش اولمقله مدت مذکوره
 ظرفنده محکمه به کلدیکی تقدیرده قانونه اطاعت
 ایتماش نظر یله باقیله رق محاکمه غیبیه سی بالاجرا
 حقوق مدنی دن اسقاط واموالی حجز ایدیله جکی

ژاندارمه افرادندن مصطفی اونباشی به قتل
 قصدیه تشهیر سلاح ایلدیکی اداسیله مظنون علیه
 اولوب فرارده بولنان شاهتروس قریه سننده ساکن
 دولت علیه تبعه سنندن طنش اوغلی یماندا کینک
 حرکتی قانون جزانک یوز سکسانجی ماده سنک
 ذیلنه موافق افعال جنایتی دن اولوب اولوجهله
 اصول محاکات جزائیة قانوننک باب رابنک فصل
 نایسنده محرر مواد احکامنه توفیقاً چنالجه جزا
 محکمه سننده غیباً محاکمه سی اجرا اولمق اوزره
 جنایتله اتهامنه قرار ویرلدیکنندن متهم مرقومک
 هر زرده کوریلور ایسه طوتیلوب محکمه مذکوره
 توقیفخانه سنه ارسالی لازم کله جکی بالجمله ضابطه
 عدلیه مأمورلرینک معلومی اولمق اوزره اشبو
 اخذ وکرفت مذکوره سی درسمعات هیئت

و بوبابده برکونه دعوی اقامه سنه حتی اوله میه جنی
کبی بولندیغی محلی بیلانر خبر ویرمکه و بالجمله
ضابطه عدلیه مأمورلرینک کندوسنی طومغه
مجبور اولدقلری بیانیه اعلان کیفیت اولنور .

فی ۲۳ کانون اول سنه ۳۰۹

درسمادت بدایت محکمه سی برنجی حقوق
دائرة سندن صادر اولان برقطعه اعلام وجاهی
موجبینجه وصیسی بولندیغی محمد امین افندیکنک
عهد سنه فراغی لازم کلان ارن قریه سنده واقع
برقطعه باغ ایله دروننده کائن بر باب کوشکک
مقدما تجار دن الیاس افندی ایله میدساق اوغلی
بدروس طرفلرندن تحت حجزه الیرلمش اولسندن
طولانی معامله فراغیه سنک اجرا قلنه مدیغندن
بجمله حاجز مومی الیهما نک جلبلریله بالمحا که
حجز موضوعنک فکی طلبنی حاوی وصی امینه
خانمک وکیلی اسماعیل حتی افندی طرفندن ویریلان
استدعا اوزرینه مدعی غایه ما نک معلوم بر

اقامتگاهلری اولمدیغی خبر ویرلدیکندن و بوکبی
اقامتگاهی معلوم اولمیان مدعی علیهلرک غزته لرایله
اعلان اولتمق صورتیه جلبی اصول محاکمه
حقوقیه قانوننک ماده مخصوصه سی ایجابندن
بولندیغندن و دعوی مذکورنک رؤیتی ایچون
سنه حاضره کانون تانیسنک بشنجی چهارشنبه کونی
تعیین اولنهرق املا ایتدیریلان احضار ورقه لری
محکمه نک دیوانخانه سنه تعلیق قلندیغی کبی بر
صورتنک غزته لره دخی اعلانی تذکر قلنش
اولدیغندن مدعی علیهما نک یوم مذکورده
محکمه ده بالذات حاضر بولنملری ویا خود بروکیل
کوندرملری و عکسی حالده حکم غیابی اعطا
ایدیله چکی اعلان قلتمق صورتیه معامله تبلیغیه
اجرا قلنور .

فی ۲۶ جمادی الاخر سنه ۳۱۱

وفی ۲۳ کانون اول سنه ۳۰۹